

ASUNTO: Acceso e uso de servizos na nube de Microsoft Office 365 e Google Apps For Education.

Examinada a consulta e a documentación adxunta, remitida polo Director dos Servizos Informáticos, que parte da Secretaría Xeral se remite a esta Asesoría Xurídica para informe, pódese emitir o seguinte

INFORME:

É preciso indicar en primeiro lugar que a materia sobre a que versa o informe se trata dunha cuestión moi específica e con moitas implicacións técnicas polo que se refire ás novas tecnoloxías de comunicación, polo que a funcionaria informante non pode abordala en tódalas súas implicacións e pormenores.

Dito o anterior, á vista do informe que se achega, parece que segundo o seu contido respecto á Microsoft se cumpre co Esquema Nacional de Seguridade e as esixencias das normas de protección de datos. Introdúcese tamén o cumprimento do código de conducta e indícase que hai unha Resolución da Agencia de Protección de Datos favorable a Microsoft. E respecto a Google Apps For Education Apps se indica que cumpre co Esquema Nacional de Seguridade e as esixencias das normas de protección de datos, e recoméndase formar parte da FUN (Foro de Universidades en la Nube).

En base ao anterior, podemos entender que en principio parece que se cumpren as garantías xurídicas esixidas, sen prexuízo de que deba terse en conta que dado o estado actual da técnica e do que se poida desenvolver no futuro, non pode garantirse que non puidese existir algunha fisura en relación coa invulnerabilidade dos datos que se manexan na nube ou en rede.

Este é o parecer desta Asesoría Xurídica, que gustosa somete a outro máis fundado.

Vigo, 13 de marzo de 2018

A Xefa de Servizo da Asesoría Xurídica

M^a José Pousa Crespo



SECRETARÍA XERAL